



Pou Piblikasyon Imedya: 30/08/2023

GOUVÈNÈ KATHY HOCHUL

PANDAN ENPAK SIKLÒN FRANKLIN AN AP RIVE SOU NEW YORK, GOUVÈNÈ HOCHUL MANDE PAK ETA YO POU YO SISPANN AKTIVITE NAJE SOU PLAJ OSEYAN NAN LONG ISLAND YO K AP FÈ FAS AK KONDISYON DANJERE

Plaj yo nan pak eta Robert Moses, Hither Hills ak Jones Beach ap fè fas ak inondasyon ak kondisyon pou sife ki difisil

Nou ankouraje Nouyòkè yo pou yo enskri pou alèt ijans an tan reyèl atravè NY-Alert pou resevwa alèt meteyo ak ijans an tan reyèl pandan sezon siklòn lan

Gouvènè Kathy Hochul te mande Pak Eta (State Parks) yo jodi a pou yo sispann aktivite naje sou plaj oseyan nan Long Island yo akòz inondasyon ak kondisyon pou sife ki difisil poutèt siklòn Franklin.

"Pandan gwo sezon siklòn ap rive, sekirite tout Nouyòkè rete pi gwo priyorite mwen", **Gouvènè Hochul te deklare**. "Avèk tanpèt twopikal ak siklòn k ap afekte plaj nou yo nan Long Island, n ap pran mezi aktif pou pwoteje Nouyòkè yo, epi mwen ankouraje tout moun pou yo rete vijilan".

Yo prevwa restriksyon yo ap an plas nan Pak Eta Robert Moses, Hither Hills ak Jones Beach toutotan kondisyon defavorab yo ap pèsiste. Touletwa plaj oseyan yo te fè eksperyans gwo nivo dlo jodi a, ki gen ladan inondasyon sou plaj Jones Beach la ak zòn ki bloke nan Robert Moses ak Hither Hills.

Twa Pak Eta sa yo te afiche drapo wouj bò lanmè a pou avèti vizitè yo gen entèdiksyon pou naje. Sovtè yo rete an sèvis pou anpeche nenpòt moun antre nan dlo a. Naje rete disponib nan Pak Eta Sunken Meadow ak Wildwood nan Long Island Sound, ki pa sibi enpak danjere tanpèt la. Biwo Pak, Lwazi ak Prezèvasyon Istorik (Office of Parks, Recreation and Historic Preservation, OPRHP) nan Eta New York pral kontinye siveye kondisyon yo atravè pak eta yo.

Komisè Pak Eta New York la, Erik Kulleseid, te deklare, "Menm si yo byen lwen, siklòn ak tanpèt twopikal yo se evènman pwisan ki lakòz kondisyon danjere ak enprevizib sou plaj pou naje nou yo. Nou ankouraje tout vizitè pak yo pou yo pran evènman sa yo oserye epi suiv tout enstriksyon sovtè nou yo ak anplwaye pak yo".

Pandan sezon siklòn nan Atlantik la te kòmanse nan mwa jen, menas tanpèt twopikal ki afekte Eta New York tradisyonèlman pi wo nan mwa septanm ak oktòb yo.

Administrasyon Nasyonal Oseyan ak Atmosfè (National Oceanic and Atmospheric Administration, NOAA) dènyèman te ogmante previzyon li pou sezon siklòn nan Atlantik 2023 a, ki te chanje soti nan yon nivo aktivite "prèske nòmal" pou rive nan yon nivo aktivite "pi wo pase nòmal". Apati mwa out, meteyowològ nan NOAA yo te prevwa yon total 14-21 tanpèt ke yo bay non pandan sezon siklòn nan Atlantik 2023 a.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418